



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Benedicti Ariæ Montani Hispalensis Poemata**

In Qvatvor Tomos Distincta

In quo Daudis Regis ac Prophetæ, aliorumque sacrorum Vatum Psalmi; ex  
Hebraica veritate in Latinum carmen obseruantissimè conuersi

**Arias Montano, Benito**

**Antverpiæ, 1589**

Psalm. LXXVIII. Attendite popule meus legem meam.

**urn:nbn:de:hbz:466:1-44993**

- 18 Nubes procellas imbris arduæ  
Fudere aquosas, vox sonuit polis;  
Cursus sagittarum marum  
Aethereas peragrauit oras.
- 19 Tunc vox fragoris pertonuit tui  
Tractum rotundum, luceque fulgurum  
Splendebat orbis; fundo ab uno  
Contremuit pauefacta tellus.
- 20 Constrata salsum per pelagus via est,  
Cessit reductis quod tibi semitis:  
Vestigia aut obducta demens  
Turba petit, reperitque nulla.
- 21 Mosis fideli & pontificis manu  
Aaronis almus tu populum tuum,  
Pastor pecus ceu, congregatum  
Per nemora & fluuios agebas.

## PSALM. LXXVIII.

Attendite popule meus legem meam.

## IUDICII ET MISERICORDIAE PARTES.

1

Admonitio Asaphi.

*Carmen Dicolon Distrophon.*

- A** Vribus intentis, popule ô, mea percipe dicta,  
Et ore, disce, quæ tibi feram meo.
- 2 Antiquis vates exemplis ora resoluam,  
Promptus referre quæ abditis latent modis.
- 3 Quæque ipsi ex patribus nostris audita tenemus,  
Malum nefasque sit latere posteros.
- 4 IAE vt narremus laudes mirandaque gesta,  
Stupenda celsis atque facta viribus.
- 5 Israëlique datam legem testetur Iacob  
Referte iussa filiis monens suis;
- 6 Natorum vt ventura atas sciat, illaque dicant  
Et sæcla narrent affutura posteris:
- 7 Inque DEO figant memorem spem, gesta que foris  
In mentem secum non mouenda conferant:  
Illius ac studio obseruent præcepta probando,  
Patrumque facta deserant rebellium:
- 8 Exempla ætatis fugiant, ætatis inique  
Malisque corda iam notata fraudibus:

Cuius

Cuius apud FORTEM tunc mendax spiritus hæsit;  
Fidemque prodidit piis bonam viris.

- 9 Ephraïdum gens cincta armis, dexterrima & arcu,  
Dat verâ terga, prohi, fugitque prælium:
- 10 Nam rupere DEI fœdus, legisque tenendæ  
Metu carere non pudebat improbos;
- 11 Illius oblitos gesta & miracula certa  
Suis videre quæ peracta sensibus.
- 12 Testibus ille horum patribus miracula quondam  
Agris Soanis fecit atque Misraïis: /
- 13 Quos, mare diffindens, undæ inter stantis acervos  
Pede haud labante transtulit, nec humido.
- 14 Nube diu, placidique hos lampade noctibus ignis,  
Vtrumque & ipse temperans præinerat.
- 15 Hos sterili in tractu disclusis cautibus ampla  
Aquæ refecit vt marinæ copia.
- 16 E silicis venis riuos erumpere iussos  
Sequente duxit is per arua flumine.
- 17 Amplius addebant illi peccare SUPerno  
Rebelle mente tesqua per malè hospita.
- 18 Auli animis tentare suis ac poscere FORTEM,  
Sibi paranda ferula pro libidine.
- 19 Inque DEVM summû malè sunt dubitata loquuti,  
Et hæc furenti protulere murmure:  
Mensam structam epulis deserto sternere saltu  
Potestne FORTIS? an parare non valer?
- 20 Certè illo nuper caute feriente, fluebant  
Aquæ, tumens & instar vnda fluminis:  
Num populo præbere suo panemque cibumque  
Valebit ille munus atque carnum?
- 21 Audiit ergo IAS feruenti accensus & ira, ac  
Iacob vsit ignis, Israël furor.
- 22 Quippe DEO renuit penitus gēs credere, & ex spes  
Diu & salutis immemor iam cognita.
- 23 Cælorum portas patefecit, & æthera iussit;  
Pluitque manna non profana fercula.
- 24 His dedit annonam cæli, panemque supernum,  
Bonumque corda fortiora pascere.
- 25 Has epulas sibi quisque legens vir feminaque edie  
Satis benigna dona prouidentie.
- 26 Euro etiam cælis acto vi roboris ampla  
Dei vocantis ductus adfuit notus:

27 Pulueris

- 27 Pulueris inque modum pennatam ex aëre carnem,  
Auesque, arena quanta littore est, pluit:
- 28 In media atque illis effudit castraque circum,  
Domosque, tela quas retexta struxerat.
- 29 Et quamuis auidis, tamen attulit vsque cupitas  
Dapes fati superque quam petit fames.
- 30 Ore & adhuc dapibus pleno non illa remota  
Cupido cessit intimo procax finu.
- 31 Iisque D E I intumuit nasus, pinguesque cecidit,  
Et Israël's optimos solo impulit.
- 32 Cuncta licet certa hæc, vrgent peccare, nec illi  
D E I stupenda credidere munera.
- 33 Ergo dies tenues illis consumpsit & annos  
Malis volantes turbidos laboribus.
- 34 Cumque illos cædens vexaret, manè reuersi haud  
Requirere atque postulare desinunt.
- 35 Tūc F O R T E M meminere D E V M. F O R T E M que  
Suumque robur, & salutis arbitrum; (supernum,
- 36 Ore quidem docti blandiri, & subdola linguis  
Simulque vana verba sæpe fingere:
- 37 Cor tamen haud illis firmum D O M I N O que probandum,  
Fidésve sacri non caduca fœderis.
- 38 Ipse tamen clemens, solitusque ignoscere prauis,  
Nec is libenter actus ipse perdere:  
Qui studet ipse suum nasum compefcere, bilem  
Sibi paratus temperare concitam.
- 39 Sed meminit, quod fracta caro, quod spiritus alis  
Abire promptus, haud redire commodis.
- 40 O quoties illi per sola & inhospita tesqua  
Tentant acerbis & premunt negotiis;
- 41 Atque iterum sæpè ac F O R T E M tentare, verendo  
Et Israël's arcta signa figere.
- 42 Nec meminere manus, cuius virtute redemptos  
Colenda ab hoste nuper extulit dies.
- 43 Cùm Phariis sua signa dabat, portentaque regnis;  
Agro & Soanis efficace numine:
- 44 Ilicet in rubrum sunt flumina versa cruorem,  
Negant petita & his fluenta poculum.
- 45 Misit apem, vespam, muscas insectaque miscens  
Quibus comedit, vsit atque perfidos:  
Pestiferam immisit per flumina & oppida ranam,  
Reducta vt intret perdere in cubilia.

- 46 Germina cuncta dedit bruchis attondenda, hominumque &  
Borum in labores trux locusta scruuit.
- 47 Grandine confecit vires, glacieque rotunda  
Agrorum inuisit vtilis sycaminos.
- 48 Tradidit illorum lapidoso grandini inerme  
Pecus, globis dedit gregesque flammeis.
- 49 Ardoremque sui nasi permisit in illos,  
Furoris iræ in arcta claustra pectorum:  
Anguste afflictis furias immiserat atras,  
Malos ferenda dona perque nuntios.
- 50 Ipse suum expeditiit nasum cui semita facta, vix  
Eat furoris haud reterentus impetus:  
Nullas ille animas letho sternente negauit,  
Data est necanda vita cuncta pestibus.
- 51 Aegypti primis natorum regna per ampla  
Ferita cuncta concidere corpora:  
Primitias generis statuendi & roboris omnes  
Chami quot ampla fouerat feri domus.
- 52 Inde suum populum semotum eduxit, vt olim  
Agri magister in reducta fert gregem:
- 53 Tutos & nulla oppressos formidine duxit,  
Salo obruente castra texit hostium.
- 54 Peruenere suos in fines, sanctaque montis  
Loca, eius alna dextra quæ sacrauerat.
- 55 Gentibus expulsis metiri prædia iussit,  
Agrosque, celsit incolis domos nouis.  
Quæque illæ tenuere feræ tentoria gentes,  
Fenet colenda diuidenda & Israël.
- 56 Illi altum tentare DEVM, contemnere foedus  
Pergunt profani & ampla testimonia.
- 57 More patrum prauè inuersi nimiumque rebelles,  
Dolosus arcus vt ferire peruicax.
- 58 Inuidiam cœpere suis altaribus, iras  
DEO mouere, signa sculperere & noua.
- 59 Audiit egressus DEVS ac fastidiit Israël,  
Suo remouit huncque valde pectore.
- 60 Cultra sibi vicina hominum tentoria Siloh,  
Domum reliquit & sibi antè cognitam:
- 61 Præsidij atque sui sedem roburque decusque  
Manu afferenda tradidit prementium.
- 62 Ipse suum populum gladiis obiecit, in ira  
Suo recessit ipse patrimonio.

- 63 Consumpsitque ignis iuuenes; sine laude Hymenæi  
 Nouum sacrandā nupta venit in torum.
- 64 Ense sacerdotes ceciderunt; mæsta mariti  
 Puella luxit orba funus haud sui.
- 65 Excitus vt somno DOMINVS tunc, ac velut heros  
 Mero solutus ore, concrepat graui:
- 66 Et ferit ipse suis postica prementibus, addens  
 Plagas, pudenda semper atque vulnera.
- 67 Fastiditque Ioseph tentoria, lectaque Ephraim  
 Tribus relicta est non probante numine.
- 68 Illi est lecta tribus Iudæ; montisque Sionis  
 Amata valde consistere culmina.
- 69 Sancta sibi hinc veluti constructa palatia fixit,  
 Velutque terra non mouenda seculo.
- 70 Delegitque Dauid famulum, caulisque vocatum  
 Recepit atque de grege hunc bidentium:
- 71 Duxit oues fatas & pabula lata secutum,  
 Vt pasceret suum Iacob, & Israel.
- 72 Sincero sic corde ipsos; palmisque peritis  
 Greges magister egit impiger suos.

## PSALMVS LXXIX.

Deus, venerunt gentes in hære-  
 ditatem tuam.

CHRISTI SALVTIFERI  
PRAESTOLATIO.

Psalmus Asaphi.

*Carmen Tricolon Tetrastrophon.*

**H**Aereditatem plurima gens tuam  
 Inuasit ausu præcipiti o Deus;  
 Aedemque sacratam, tuique  
 Sancta ferox temerat palat?  
 Salémque aceruis ruderis obruta  
 Illa alta quondam, claraque, nunc iacet:

2 Calique pennatis cadauer  
 Esca data est famulùm tuorum:

3 Carnes piorum terræ etiam feræ  
 Scindunt rapaces; diffuit & cruor,  
 Diruptus amplæ vt riuus vudæ,  
 Mœnibus in Solymis abundans:

Nemo